

安徽通志金石古物考稿

安徽通志稿

南陵徐乃

金石古物考八

石刻碑誌七

明

莊子祠堂記 在蒙城縣本祠

拓本高六尺二寸五分廣二尺八寸五分拓篆書

莊子祠堂記


賜進士出身資政大夫禮部尚書兼翰林院掌詹事府事

經筵講官 國史副總四明山人 遠峯汪鐘撰文

賜進士出身通奉大夫江西布政司布政靈陽節齋劉繼文篆額

賜進士出身文林郎南京大理寺左評事邑人渦川李維書丹

莊子祠始宋秘書丞王兢兢為蒙令時寶宋元豐元年也莊子



為蒙人距元豐且二千餘年自元豐之前無有祀者祀之自競
始競祀後迄明天順時而祠始廢至是且百餘年歲庚辰東莞
張公來守中都過蒙訪舊祠所在始命蒙尹括蒼吳君重構祠
而祀之且為文記諸石嗟夫莊子之學其與吾聖人異自漢唐
以來諸儒且詆毀為異端而禁絕之彼自元豐以前世無有祀
者豈亦以此耶夫古之人其治方術者亦多矣彼其以為不可
加也皆未有能外吾聖人者也而莊子之書為世大禁則以世
之君子不能深求其心而徒據其影響以隨人上下之□使古
人立言之旨不盡白於後世也莊子之學出於老子老子為苦
人而蒙去苦僅二百里莊子之生去老子時未久當時蓋亦有
親見其徒而聞知之者故其澹泊虛無之說皆自老子得之而
間或有出於吾聖人六經之旨不至於悖吾聖人而猖狂自恣

特其憤激太甚而任於一偏世儒不深求之也今其言曰以仁
為恩以義為理以禮為行以樂為和薰然慈仁謂之君子百官
以此相齒以事為常以衣食為主蕃息畜藏老幼孤寡皆有所
養民之理也詩以道志書以道事禮以道行樂以道和易以道
陰陽春秋以道名分夫六經之道帝王致治之法自聖人之沒
世無有聞之者而莊子諄諄然言之且不徒竊其糠粃而直深
見其微可措諸行事則其為書又安見其大戾於聖人而謂之
異端也其天道一篇曰三軍五兵之運德之末也賞罰利害五
刑之辟教之末也禮法度數刑名化詳治之末也鍾鼓之音羽
旄之容樂之末也哭泣衰經隆殺之紀哀之末也末學者古人
有之而非所以先也君先而臣從父先而子從兄先而弟從長
先而少從男先而女從夫先而婦從夫尊卑先後天地之行也

故聖人取象焉宗廟尚親朝廷尚尊鄉黨尚藍行事尚賢大道
之序也噫為此言也其於吾聖人之道悖耶否耶堯舜相禪受
而許由逃之不欲聞湯放桀而務光自湛其身武王伐紂伯夷
叔齊耻食周粟且作歌曰以暴易暴兮不知其非矣由此言之
非聖人者數子也其為言亦大戾於聖人也而孔子□夷齊之
事不少貶焉一則曰古之賢人一則曰求仁得仁又何怨民到
于今稱之聖人之意可識矣治者亂之原也盛者衰之因也且
道大盛者其弊必有其末之流而末流之趨使後之人不可禁
後之人不禁其末則必反咎其本故有堯舜之禪受而後有末
世之篡奪有湯武之放伐而後有末世之弑逆彼數子者非敢
於非聖人也懼後世之流為不可禁也夫孔子之朝聘而不止
為斯世計也而後世縱橫捭闔之徒日遊說其君而驕其富貴

以亂天下者藉口焉故有孔孟之栖栖而後有儀秦之遊說彼
莊子之非孔子也亦巢由夷齊之意也所謂憤世嫉俗而過焉
者也其漁父胠篋盜跖諸篇猶採薇之歌乎甚矣世儒之不察
也楚王得良工使造弓焉弓成天下之利器也其後楚國多盜
皆操良弓以毒人楚令尹□□盜無虛日既而□□□□且下
令曰凡持弓者殺無赦夫詰盜是矣而以是罪弓人則過也莊
子之書猶是也然則天下之諸盜者果皆為不忠者耶甚矣世
儒之不察也田子方一篇有莊子見魯哀公□□魯國之儒者
一人夫莊子與魯哀公非同時其謂丈夫而儒蓋指孔子也由
此觀之莊子蓋真尊孔子者蘇子所謂實與而文不與陽擠而
陰助者誠然歟今天下皆尊孔氏所學必出於正然如莊子者
猶之烏頭鍾乳藥中自不可少耳詩曰雖有綠麻無棄官蒯雖

有姬姜無棄憔悴此今日建祠之意也張公諱登雲別號浩宇
克之寧陽人第辛未進士吳君諱一鸞處之麗水人以庚辰十
月上浣日創事辛巳九月望前日告成凡五楹中肖像左有棲
曰夢蝶右有臺曰觀魚中為堂曰道遙其費取諸廢廟隱糧者
共構云

太平縣重修關王廟碑記 在太平縣城武廟

拓本連額高七尺五寸廣二尺九寸九分篆額左右雲鶴形寸許正書額二行行二字字徑四寸五分

關王廟額

太平縣重修關王廟碑

蓋太平舊有關王廟久圯自今年飭之稱重修云先是兩年旱

澇不時民人流徙皇皇靡所適昨歲稍克有秋亦以為是適然

耳今年春一二父老從關王廟謁王如常禮畢觀王之鬚目燁

然動也而有汗光采灼然曰異哉今年其大有乎是惟王之靈
已而果大有年於是邑人相率神之謀新其廟志不忘也予惟
天地間亘古今而恒存曠世而相感者惟正氣耳雲長在漢以
忠義著稱光艷史冊俾數千載後譚者悚然奮迅詎不魁梧竒
偉一明神哉余嘗式公廟貌即凜焉起敬僅僅土木貽耳猶然
若是矧如前所稱燁然灼然者乎傳亦有之神之格思不可度
思故有有也者有無也者有有矣而無也者有無矣而有也者
故石不能言神或憑焉土壘草卉之微類能鼓舞玄機出入造
化以王之神陰佑默相時和年豐神力顯設而燁然灼然不可
思議安可誣也不然鄉者旱澇不時民人流徙孰適與謀而邀
此大既得大有年以出苦海於春臺也哉假令不佞蒞茲土率
我百姓秉誠禱祝而將使年谷時登熙熙溫飽猶不可得而茲

有厚幸顯王精英祐相之力永世賴之不佞樂觀厥成記載其
事傳諸永永安所辭也是役也首倡義新廟者譚文時孫光炫
而屬予文者鄉大夫崔君弘菴孫君西郭古歛吳君我庭七月
七日經始菊月九日落成復繫之詞詞曰

赤驥乘空展也明神脩髯金甲萬世如新

維王峻絕氣轟山鳴驅彼猛獸周道砥平

維王忠順流髓完精粒我蒸民粵顯休徵

有懷出作賴王鉏兵芟夷蔓草遭際平成

有懷入息賴王旒旌四郊灑墨錦綺如擎

有廟巍如有神奕如正氣昭顯護

國庇民

萬曆十年壬午九月望日天啓三年十月迪功郎古越丁思

義重整

賜進士知太平縣事平湖弘衢馬維銘撰

縣丞徐天佑 儒學教諭高儒化 訓導謝繼德 署訓

導陳大經 典史雷應臣

鄉士夫 崔惟植 孫榜 孫梅 孫光炫建立石 儒士孫

樞書丹篆額 募緣道士孫榻汪岑 胡岩壽壑 項珠鑄石

瑯琊山植木記 在濰縣瑯琊山

拓本連額高四尺三寸五分廣二尺八寸八分篆書 字字徑八分正書額三行行二字字徑二十八分篆書

瑯琊山植木記

瑯琊諸隱君植木記

天地間山水一而已然有幸不幸焉人為之也其在中州大

邦者高人逸客相與種樹植木培護愛養遂致桃李成蹊松

栢凌漢足以壯山之奇觀而文家墨士因以輪蹄絡繹爭親
其勝而顯其美固幸甚矣乎其有遠於荒陬僻嶠者登臨罕
及種植弗加間雖自有生息亦不過為樵夫牧豎之所踐伐
而人卒以濯濯為山病焉其不幸亦甚矣乎吾滁山水名天
下而瑯琊為最其間群峰起伏澗壑盤旋不知其凡幾矣若
夫有色交翠有影交輝或清颼送涼或濃蔭生寂則皆喬木
佳株森秀中外也不爾則孤高光潔其不以濯濯棄瑯琊者
幾希余自解組歸田尋盟山水近獨喜瑯琊松植之盛一望
如雲而峯壑因以增美至於種植所自竟不知其為誰何已
昨郡中待價庠元景歐秦友過余而言曰里有劉君大德萬
君鈞者素以善行著聞魯於萬曆乙亥共植松千株於瑯琊
之山今皆挺然成茂林矣人之欣羨而歸功者翕焉請先生

一言為記余曰噫嘻人之所欣羨其即余之所欣羨者歟竊以是深為瑯琊幸也而况諸君之善行表表尤足以衍慶於無窮者山靈其將有永祐乎遂為之記

萬曆十一年癸未春二月吉旦

詔進朝列大夫前河南開封府同知皆春石璽拜撰

在會衆信

劉大德

劉大寬

王汝贊

劉嘉業

嚴

芳

何德崇

嚴

美

萬

鈞

吳

江

吳

淮

童

珊

黃敏學

嚴

藩

姜

銀

路行宗

全立

郡吏魏天錦書冊并篆

滁民邵廷貢刻石

重刻莊子祠記

在蒙城縣本祠

拓本行高五六尺七寸五分廣二尺六寸三行字徑一英寸正書十

莊子祠記

宋蘇軾著

莊子蒙人也嘗為漆園吏沒千餘歲而蒙未有祠之者縣令秘書丞王兢始作祠求文以為記謹按史記莊子與梁惠王齊宣王同時其學無所不窺然要本歸於老子之言故其著書十餘萬言大抵率寓言也作漁父盜蹠胠篋以詆訾孔子之徒以明老子之術此知莊子之粗者予以為莊子蓋助孔子者要不可以為法耳楚公子微服出亡而門者難之其僕操箠而罵曰隸也不力門者出之事固有倒行而逆施者以僕為不愛公子則不可以為事公子之法亦不可故莊子之言皆實予而文不予陽擠而陰助之其正言蓋無幾至於詆訾孔子未嘗不微見其意其論天下道術自墨翟禽滑釐彭蒙慎到田駢闢尹老聃之徒以至於其身皆以為一家而孔子不與其尊之也至矣然予嘗疑盜蹠漁父則若真詆孔

子者至於讓王說劍皆淺陋不入於道反復觀之得其寓言之意
終曰陽子居西遊於秦遇老子老子曰而睢睢而吁吁而誰與居
太白若辱盛德若不足陽子居蹙然變容其往也舍者將迎其家
公執席妻執巾擲舍者避席煬者避竈其返也舍者與之爭席矣
去其讓王說劍漁父盜蹠四篇以合於列禦寇之篇曰列禦寇之
齊中道而返曰吾驚焉吾食於十漿而五漿先餽然後悟而笑曰
是固一章也莊子之言未終而昧者勦之以入其言予不可以不
辨凡分章名篇皆出於世俗非莊子本意元豐元年十一月十九

日記

皆

萬曆十一年歲在癸未知蒙城縣事麗水吳一鸞重刻

太平縣重建土地神祠記在太平縣圖書館

括本連額高六尺八寸廣三尺五寸五字字徑二寸二十四行左右雲鶴形

齊平縣重遷土地祠額

賜進士第文林郎雲南道監察御史邑人崔涯撰記

賜進士第文林郎朝列大夫福建布政使左叅議邑人焦煜書

丹

賜進士第徵仕郎吏科給事中邑人周怡篆額

古者慎制祀以為國典典為正所宜祀者非鬼之祭非典也典

正而後敬立敬立而後物備物備而後禮順樂和而祭之義行

焉此世道大闢也政而繫之教也故曰明則有禮樂幽則有鬼

神道相通者也西蜀

懃齋劉公元凱以名進士宰吾邑事承積廢政立改觀首以興

教化正風俗為本除穢革邪敷和于下甫三月考民風闓群祀

祀不經見者曰越矣非鬼之祭也木偶而神事之崇竒邪矣巫
命去之而縣前土地神宇弗葺歲時弗備曰隳矣此一邑人所
寄命也載祀典者也而乃弗飭蠲正教矣即割贖金新祠宇懸
鐘鼓以嚴其道備歲時以謹其祀器物之弗具者撤廢祀之有
克焉又懼俗之尚鬼離正而難諭也乃偏告於民曰吾聞淫祀
無福言不畝非類也又曰賢者之祭必受福謂所宜祀必畝者
也

天子命吏于下非必專主彊督財賦而已凡以教正教順黜竒邪
興禮義以率于道吾之斥是祠而舉是祠也以明教也於是考
老髻童轉器就智去悖即順若痿而起若矇而瞭騰踴謹愛咸
底于理祠成請予記之夫昔共工氏之伯有九有也其子后土
氏能平九土故祀以為社此土神祀之始也

天子祭后土郡國邑不敢言后土但曰土地神者謂司此地之土神耳太平以一邑之土神邑之人世依為生蒙被功德所宜報而祀以告以祈者公一舉而三教興焉卯正明于祀典舉斥行乎鬼神設乎此以况乎彼凡民素為善為不善者有不惕然警翻然改乎官治其名且著者惡隱未彰德陰弗露神監之有不幽陞之祐之者乎幽明文相贊者也而又官為神主為民倡所宜脩政而冀神祐者尤要也夫然後官舉職民勤業鬼神贊相毋悖而正毋怠而賦毋頑而獄庭清而政暇俗正而風悖禮備而樂備而治道成矣故曰一舉而三教興焉世道太闡也宜誌諸石碑知教之首

萬曆十二年甲申季秋之吉

賜進士第文林郎直隸寧國府太平知縣古閭劉元凱

立

賜進士第文林郎直隸寧國府太平知縣平湖馬維銘重立

縣丞雷應荃 典史雷應臣 儒士崔志弘重錄 監督里長

崔科堯

重修城隍廟記 在南陵縣本廟前

拓本高三尺四寸廣二尺八寸四分十分正書額八行行三十六字字徑一寸一分

重修城隍廟記

督老馬何沛榜

帝王經理郡國既以厥方保障屬之守臣復建祀城隍以默翊守

臣之治蓋明有禮樂幽有鬼神行陰陽而成變化然後事功

立而民庶安此古今識治體者必於祀典加之意爾南陵故

無城垣而有其神祀自長垣部公修城繕隍而神始有馮依

顧後先營構以意為制堂弗應扉位弗拱邑址不宅后土匪

直無當堪輿之理抑於神正直是與厚宅庇民之意殊未稱

焉是宜頃歲災沴類仍雨暘弗若四境皇皇痼瘵載道而來
邑大夫之憂也大夫嘉禾沈公以庚辰名進士視陵下車日
祇謁神廟四顧憮然而時詘靡舉迺與神誓曰凡吾所為民
計者神必知之神幸相予以圖吾民民安而神妥矣居數歲時
和物豐政平人若凡侯所咨嗟籌度若或啓之所願望祈禳
罔弗應之是侯之精誠足以通神明之德而神之靈賤昭鑒
不爽忽荒如此也侯於是捐俸經始而闡闡閭閻爭相效助
侯曰可以乃登陴揆景審勢定方自室俎堂緣庭徹戶洞然
見鬼神正直之心左擁藍漳而右迎天柱剗然政教文明之
地若張翼焉遠玉帶而北鎖合重關龍偃虎踞而祠之址當
其中堅敦大宏裕隴然宅衆師而厚福祉矣至於廡樹兩觀
示小民禍福之懲而洩鬼神之情狀侯之務民義敬鬼神又

若是其不違俗而慮深遠也是舉也登百年之蕪陋於旬月

之間財不費官帑力不煩徵調而廟貌忽新香火忽盛歲時

伏膺都人士女樂賽報而蒙福祥凜觀感而動懲勸禮樂鬼

神之用相禪而不窮侯之為貽遠矣可尋常興作語哉遂僭

□□記

賜進士南京兵部武選清吏司主事邑人許夢熊撰文署教諭事

舉人吳萬全篆訓導程□汪讚丹

萬曆十三年歲次乙酉春三月吉旦立縣丞章玄主簿徐良

輔典史鍾九功全立陰陽官嚴汝□書

旌邑劉志大安全錫

重修安賢祠記 在南陵縣鼎豐橋側

拓本連額高一尺七分正書額六字平列字徑四寸五分篆書

重脩安賢祠記

重脩安賢祠記

浙嘉禾瀛壺沈大夫以名進士來令南陵三年境內大

夫為政以澹泊寧靜為教本以振風俗作人才為

令出風行如響雷聲行且奏最明光

內召有日矣猶然斤斤民事改學修塔築堰造橋百廢具興萬姓

永賴茲復稍俸鳩工重葺安賢祠祠成屬不佞記按祠在北

關外里許古名謝家池至唐始創是名不識所安何賢及查

舊志乃蘇孝子仲芳修煉之所向來止崇釋氏嘉靖壬戌邑

侯仰蘧部公增建明經樓中祀李翰林太白張中丞巡杜秋

浦牧暨孝子何公琦李公經忠臣吳公景凡六人置有祭田

脩葺以來尚屬草創歷歲已久祠宇傾圮大夫初定祀典申

入蘇仲芳改何吳二公于鄉賢又以歲僅一祭申免祭田租
春秋二舉茲又作而新之時適有文昌入夢因見文昌祠闢
崇報堂門楹棟宇煥然壯觀俾多士藏脩有所景行有自公
餘日携諸生講習其中有作而言曰仲芳孝矣曾受戒跌坐
而化非吾道蓋去諸大夫曰道一而已矣第患不入入則是
因題函三真境且謂多士曰賢豈易言哉必忠孝節義文章政
事赫然艷千百世而莫之或朽茲請賢張公也忠蘇李也孝
翰林也文章而秋浦也政事若罕覩焉爾多士生于斯長于
斯耳而目之熟矣亦踵其芳軌為國家用哉於是多士聳然
而起有動于中悠悠乎興仰止之思焉若祠也不特崇殷薦
抑且存憲章其寓意蓋深矣倘諸士者入不孝友出不忠義
徒汲汲拾青紫為榮肥計於文章政事泯泯無稱不惟玷厥

先賢而亦非大夫葺祠盛意也余于多士泰有一日之長敬
述大夫意如此云是為記

鄉進士署南陵縣儒學教諭事閩侯官吳萬全撰

萬曆十三年秋八月吉日

管工民人何煦

學田碑記

在南陵縣文廟禮門外

拓本連額高五尺八寸六分廣三尺四分二寸八分行
四十五字字徑九分五書額四字平列字徑四寸篆書

學田碑記

學田碑記

直隸寧國府南陵縣為置學田以贍會課事案照萬曆拾年

玖月內已□本縣知縣沈看得本縣生儒眾□□學亦盛

除遵奉

明文按季考校不缺外竊念季考固為大節而會課尤為實功今

諸生各擇同志者每十人為一會每月逢參各持窓課會于
尊經閣下月終仍加面試校其優劣供常之費以應□資查
得原編銀兩僅供季考舊有義租止贍貧生相應另置學田
以贍會課偶有本縣民陳一言願獻本分田價銀壹百陸拾
兩何淡等隱稅銀參拾柒兩零伍分共銀壹百玖拾柒兩零
伍分內將銀壹百參拾兩置買地名石家舖邊趙應龍通折
田肆拾壹畝叁分肆厘陸毫瓦房叁間草房玖間仍有支剩
銀陸拾柒兩零伍分并捐本縣項下俸資銀貳拾貳兩玖錢
伍分共銀玖拾兩又行置買湯文恩通共折田叁拾陸畝伍
分玖厘貳毫瓦房叁間亦坐落石家舖邊貳處共計田柒拾
柒畝玖分叁厘捌毫當差老人臨田看明將田地蕩另立壹
戶召民租種每田壹畝議秋收上稻壹石玖斗共稻壹百肆

拾壹石柒斗伍合各照時價易銀貯庫每過會課供賞明立
文案置簿登記候查備由具申

本府詳批創立學田收租課士此有司美政卽候

學院詳行繳若中間有不敷處本府贖銀內堪支者請詳支給

奉此隨奉府牌蒙

欽差提督學校巡按直隸監察御史李批據本縣申前事詳批

仰府查報備仰縣卽將該縣置買學田并收租稻及佃戶

姓名再加酌議停妥申府以憑轉報奉此已該本縣查議停

妥具由回申訖未蒙詳示又奉本府信牌內開者得創立

學田作養士類乃有司之美事今該縣特議舉行且捐俸資

助不足具見養賢課士經久至意卽查本府項下銀動支

拾兩以示與之意務使此舉傳之悠遠仍勒石學宮

添刻志板等因奉此遵行間隨有本縣民曹廷爵願將地名

楊村坦魁潭□村坦田共計田壹百叁拾貳畝貳分畝入儒

學作養人才據此將田另立壹戶召民租種議定每畝秋收

上納租稻捌斗伍升共稻壹百壹拾貳石叁斗柒升又有本

縣民戴思祖願將地名黃泥蕩田玖畝捌分水蕩陸分願賣

儒學作為學田據此隨動支本府項下紙贖銀壹拾兩給

戴思祖領訖將田另立壹戶召民租種議定每畝秋收上納

租稻壹石肆斗共稻壹拾叁石柒斗貳升各照時價易銀貯

庫以贍會課具由申奉本府批允奉此隨諛本縣遵將前

項學田向給會課供費外嚴今茲陞任去後舉廢存乎其人

合無申乞以萬曆十四年七月為始置立文簿每遇公費動

支逐一登記聽候

本院稽查庶垂永久具由并前給賞過文冊申奉

欽差提督學校巡按直隸監察御史房 詳批沈知縣在任六年

勸學右文士風丕振茲當離邑之際曲為善後之圖可謂古

之遺愛也已仰縣將本官創置學田勒石學宮以誌不朽每

年徵收租銀登報本院循環查看遇有不敷申請動支以繳

萬曆十四年秋七月吉日立

碑陰

拓本連額高六尺六寸廣三尺五寸上截學田圖下截記文二
行行三十字字徑一寸額六字平列字徑四寸雙鉤均正書

南陵學田圖數

一丈號圖形

合丈□有大圖分丈則有小圖挨次鱗集各有四至弓□□□

□□□□刊刻成書

丈田計八十九號該實田八十七畝七分三厘一毫 加田七

畝零 □ □

丈地計一十八號該實地一十五畝六分三厘四毫 外加地

一畝二分該

□ 折田八畝四分一厘七毫

丈溝蕩計九號該三畝九分五厘 折田九分八厘七毫

一歲收租穀

大約實田一畝當上租一百八十三斤內遺十斤為佃戶之利

止取租一百七十三斤其田高低肥瘦佃戶自相均搭承種毋

得恠霸

該歲收租一百五十一石七斗二升 倘有災傷另行踏勘估

租

地塌基埂樹木計一百三十五株

溝蕩無租

庄房三處共計大小二十四間

一歲辦錢糧

田地溝蕩共折實加田計一百零四畝二分一厘

該條編銀三兩六錢六分五厘一毫 每年加銀每畝口毫許

增減不同

麥草絲銀一兩一錢六分五厘一毫

米折銀一兩六錢七分九厘八毫

大約用銀六兩五錢二分零三毫該用租稻辦納依時價算上

義助祭田碑記 在太平縣洪田鄉曹氏支祠

拓本連額高五尺五寸廣二尺六寸十九行四十字
五字字徑八分行書額二行行三字字徑二寸篆書

義旣祭田碑記

義助祭田記

予倡會九龍附近同志與會者頗衆曹君揚川與焉君為人端嚴獸性近執處父母兄弟宗族間有未融洽處因自悔曰萬物本吾一體况宗族乎况父母兄弟乎吾處之未協何以處天下此予之過也然此非學問不能消融乃率其弟姪輩與會九龍日漸月摩漸覺消化曰明於一體之義自此父母悅兄弟和宗族無碍矣曰吾族宗祠雖建每歲品物不備何以伸孝享然難槩望之族人當自吾身始遂捐田若干畝入公堂每歲收其租以供祭品族之人咸相與曰姪兄自講學與會以來性氣遂變旣悅父母和兄弟睦族人又念及祖宗捐田助祭自此歲祭可以不煩欽財矣此大義所關不可不記以垂永久姪棻曰相率

徵言于余。觀夫水周流濛回，放手四海，固水之宗也。然其源則始於河中，林有木，枝葉扶疎，參天而映日矣。然其始則由於根，故際海則先河植木，則培根重本也。人之生也，皆原於祖宗，猶水之源木之根也。獸柰何不加意乎古者天子制為禘嘗之禮，祭其始祖，又祭其始祖之所自出。若吾民與君，今雖不同，然其祭祖敬宗之心，無貴賤一也。願貧者限於財，其有財者又昧於禮而不知所重，是非敦仁孝之心，超然於流俗者，誰肯財以助之。曹君歿先宗族而為此義舉，水木本源之思，可謂知所重矣。自此歲時備祭，不煩歛財者，皆君之惠也。安知自此以沒，無復有倡義樂助如曹君者乎。故是舉也可以見奉先之孝，焉可以見睦族之義，焉可以見風動之機，焉可以見學問之益，焉一舉而數善備。余故樂為之記。曹君名烜，字汝光，楊川其別。

號也妻石邑沈氏妾王氏田計若干畝土名某所四至某處佃

戶某人每歲計租若干石悉鑄諸石以垂永久云

萬曆十五年丁亥夏六月之吉

賜進士第廣西按察司副使前刑科左給事中侍 經

眷 生 了 齋 杜 質 謹 撰

巡 官 眷 生 毅 齋 查 鐸 篆 額

序 生 姪 孫 曹 一 德 書 冊

族人曹燼 曹炳 曹煬 曹棫 曹科 曹棋 全 立

計開田壹拾畝 一則土名徐村里田貳畝陸分共陸垵佃人施 永歛租叁拾壹肆斤

一則土名饒家冲坑口田陸分共陸垵佃人施 設柒畝肆分佃人陳春租穀柒拾伍肆斤

外地併屋俱肆分管壹分

桂九成公祠碑記 在石埭縣本祠

四本連額高四尺二分五釐廣一尺六寸五分
字字徑二分書額二字字字徑二寸四分

篆書

按古君子以報本追遠為心故有營建必先祠宇凡為人後者當

然余大父九成公諱廷韶由宣德間來池實不遷祖也桂氏呂繼

振起者自公始七試秋闈成化貢國學仕制金華蘭溪仁厚性成

孝友天植贖母廢呂廣父嗣讓沃土呂篤友愛減糶筴荒輸情釋

忿孳之樹德政績清廉措刑泣罪當道聞於

下勅旌異文和尹相國繪圖製文為良吏慶此急流中即不呂

折腰博斗祿致政食親土之人祠而事之猶相傳為桂父母云娶

周孺人生世父蕃公繼鄭孺人父夔公出焉一祖二宗積功累仁

鄉評至今頌之不衰余兄弟第十一仰承先德敬遵禮教述蕃公者

六俊傑伯佐偉佳佐主山東清平簿亦致政歸佳典藩王膳事述

夔公者五伸當胃侃倬儀伊倬補邑庠伊登辛酉許穎陽榜初授
江西峽江令而任昌黎余至不肖萬曆初領歲薦入大學叅軍上
谷叨糈祿者八載上不敢負君下期不失祖步辛卯解綬歸林目
擊同堂而升者歷七葉道德衣冠之士代可名數呂貢授外翰者
大中也補郡邑博士員後先若干大連大勲輩又毅然聖學一時
名公相砥礪濟之雍之矧余所不及先者未艾乎邇流窮源匪公
茂德所滋曷克臻此公存始家桂氏統宗祠左今爲祖居卒塋直
坑馬形已業茲祠之建在嘉靖丁未後寢呂妥先靈前堂呂群昭
穆左右聯齋儆家塾呂授師儒庶報本追遠之心可竭而承前裕
後有托也余又惕焉世遠人渙昧作者之意易於變遷傾圮用是
鐫石以述端末登斯堂者無不三復九成公云

大明萬曆辛卯歲仲冬之吉孫伸撰立 四世孫大紹書 石工

吳湍

重建城隍廟記 在太平縣本廟

拓本連額高二尺九寸廣三尺二寸三分篆書額在右雲鶴形

董建城隍廟額

太平縣新城隍廟記

賜進士第光祿大夫柱國少傅兼太子太師吏部尚書建極殿大

學士歛人許國撰文

賜進士出身中順大夫湖廣漢陽府知府前戶部河南清吏司郎

中邑人胡薦卿書丹

賜進士出身觀戶部政邑人崔廷健篆額

太平縣之有城隍蓋自唐天寶六載割涇之龍門鄉而

為太平其治負碧雲面黃山墜三門之嶺以為城滙富水麻
水以為隍而立廟於城東以奉之此其始也入

國朝二百餘年生齒益繁香火益盛而廟貌弗稱令君藩侯欲

撤而新之則以為時詘而舉贏不可卒邠秋歲則大熟侯曰

可矣乃下令願新城隍廟者聽民爭應之乃鳩工庀材而擇

義耆項氏樵汪氏廷輝鄭氏鏗方氏文登黃氏國仕五人者

共藏其事經始於萬曆十九年九月之甲子落成於萬曆二

十年六月之甲午費緡錢三千有奇址雖仍舊而堂皇曠戶

高明軒豁煥然改觀矣五人者則又相與面汝寧二守崔公

惟植濱州守周公恪兩公曰作而不記非盛德也乃介邑博

士胡君沛然仲雨來余所乞言余惟聖王先成民而後致力

於神今侯也歲凶則拯民之急而溝瘠以起歲豐則報神之

功而廟貌以飭可謂知務矣然則棟幹之隆非詣也黜堊之麗非黷也宜也考之祀典羣祀饗凡三壇而城隍之神實配之羣屬歲凡三祭而城隍之神實主之有專廟而無專祀何也曰夫食於土者與吏於土者同事其事則食其食其受事也兼則其受享也隆城隍者神示之參貳人鬼之鈐轄也故上佐天時調風雨與有力焉下佐地利阜生殖與有力焉中佐人羣禦其災捍其患使人有寧居鬼不為屬與有力焉故安其靈則以專廟為尊列其功則以兼享為盛獨城隍然也若夫香火虔矣時祀修矣而或愆其職則孟氏之文有明例焉侯諱應化字雨之別號時所浙台州臨海人也 在邑六年以卓異被

徵書而去亦太平創見之事云

皇明萬曆二十年龍集壬辰夏六月望日

太平縣縣丞鄧敏 典史吳遠慕

儒學教諭馬之龍 胡沛然 訓導張觀 吳忠主 周

學詩 儒士孫樞督刻 合邑仝立石

督工耆民項樵 汪廷輝 鄭鏗 方文登 黃國

任 道士劉雲洞 幕緣道人畢弟

蕪湖縣重遷儒學記 在蕪湖縣

拓本高七尺六分廣三尺三寸二分
行行六十二字字經一寸行書額佚十二

蕪湖縣重遷儒學記

賜進士及第儒林郎翰林 脩撰北海焦竑 撰文

賜進士出身亞中大夫陝西等處承宣布政使司左叅政前巡

按廣東浙江道監察御史當塗梅淳書丹

河南彰德府同知前陳州知州邑人王懋篆額

蕪湖縣有學舊在縣治東南創自宋元符間迄我

明凡數百年所矣往昔築城之後當事者割宮牆十三而束縮

之以就湫隘未學者苦耳目偏仄無以稱菁莪作人之意于

時固詘于力不能如之何也則任之而議遷焉會郡守林公

一材擱然以謂事在我乃相地得叢祠而改築為新宮是當

萬曆甲申歲而一時草創庫陋楹小眎昔無以異邑人士又

竊相議安得故宮而復之歸然窅然我葺我游之為快也適

嘉善葉彥繼美未為令首進諸生問疾苦議興革得學之當

復于故狀更力以身任其事謂吾邑數遷而終為毫蕪貫可

仍何憚復歸之為于是受諸生所條上為請之郡守陳公璧

達于撫巡督學諸使者既皆得所請由是鳩材筮日勅吏士

從事工徒既舉凡殿堂門廡齋祠宅署之制各位置攸宜而
翼藏有亭度經有閣以至繚垣綽楔之屬莫不嚴具在昔之
所有者備侈其度而張之若所東而隘者且拓地以廣面勢
而學之成完美矣總為費若干首以侯之捐俸及多方規畫
以充錢不損乎公帑惟其給力不征之夫家惟其舉經始于
萬曆十九年正月以二十年二月而落成焉邑人于于來觀
其秀民日游其中講誦弦歌其凡者亦懽喜夸說見所未有
謂侯有大造于我也于是相率而屬余為記蓋學校今有司
簿書所不責徃徃怠廢侯獨孳孳于此余闕其意殆有深望
焉夫所為踐而完之徙而遷之者乃士所托身而游焉者之
故地也而尤有所當遷者吾心不有故物乎人有恒性蓋充
然至足矣而或以誘而遷焉者豈少也哉其鉅者則在紛華

與聲利蕪湖據吳楚之衝四方舟車所輻百貨鬼目習俗臺
舉侈然爭相尚而士容不免浸淫入之也是將以紛華而遷
輓近士棲托學宮講說橫經交臂受事則何慕而然有不曰
危科臚仕吾分也其猶掇之者乎而茲所亟亟還學宮于故
又寧不曰是將地改其靈危科臚仕其旦暮遇之者乎若然
是將以聲利而遷以此兩者戰于中吾所固有者其引之而
去幾千里而馳然而一旦奮然欲還吾故則一念之悔天性
自在也孔子不云乎一日克己復禮天下歸仁焉復者還吾
初之謂明乎非索之外已是故達學興材不憚改徙而異作
有偉人以副

明天子所側席蓋師帥者之責也明善誠身不憚亟反而勉為真

賢以待有司所勸駕蓋自成者之責也在侯者既俯仰乎舉

之業有成矣在我者乃或溟滓于所遷而不知還非夫也多
士勉之求無失其本心而已是後也董其成者則錢丞仕賢
而教諭凌寰訓導劉國儒楊三省皆先後有勞者得併書之
俟未耆攷焉萬曆二十年歲次壬辰冬月吉日

直隸太平府蕪湖縣知縣葉繼美 縣丞錢

仕賢 主簿鄭夢蓮 典史丘儀

儒學教諭凌寰 訓導劉國儒 楊三省

唐 成 甯存大 張羨 王應期

生員

葛師顏 周 謙 俞宏 李用良

督工耆民宗錦 繆金 朱容 仝立石

重修武安王廟碑記 在南陵縣關帝廟

拓本連類高不可計廣二尺四寸二十行字徑八分正書
額四行二字字徑三寸篆書碑下截泐文據縣志補

重修武安王廟碑記

重修武安王廟碑記

武安王有廟制乎歷代崇祀名稱匪一要以顯忠魂揚往烈
耳然祀典所載有國功民功事功戰功雖細大弗同大都數
極德盡或世遠而響微未有亘古今窮宇內尸祝廟祀通乎
人者王從立德於邂逅盟以共圖興復崎嶇吳蜀許洛荆襄
間其重然諾審去就奮義勇以急國難且無論其大節炯炯
昭日星齊海嶽卓然守道君子跡其隕身報主□應與死綏
之士血食西蜀若太原上黨慕其奇節不廢蒸嘗伏臘固宜
迺今去漢彌遠薄海外內靡不嚴王之矧大江以東孫氏撫
有以窺中原於是謀臣猛將捐軀捍敵可一二數尸祝於吳
反在仇吳之武安則其不泯固自有在□□□摧鋒拔城賈

勇赴敵云哉王故有廟在縣治西邑中水旱凶荒是惟無禱
禱則應其所補於民匪細圮於歲久民居溷雜無以稱尊嚴
余方脩明祀典褒烈獎忠斥偽除淫以周公瑾雖吳臣忠於
所事常保障地方長春穀於法得祀祀於學宮名宦如王聰
明正直英爽不昧其精神意氣即余夢寐中亦或徃來乃順
民情重新之計工程財址仍其舊闢垣墉美輪奐視往模加
飭焉又據民人孫楠獻有祭田陸畝壹分坐落參拾陸都一
二圖新興圩每年該租銀二兩五月十三日王誕考也取以
供祭羊壹禮計貳拾□豕□□□□□□□□凡以技
世道植民彝俾人知君臣大義而伏劍死綏之士有所感而
奮云余歸自

天朝瞻拜其間若有感時音之夢因登厥民詔之曰夫剛大之氣

苟礫流行明為烈士□幽則為神神依人而行其氣相通汨
於欲則不剛荒於義猶涼德刳敢借倖戾粗鄙之習以濟其
恣睢余聞內史過曰將興神鑒其德將亡神觀其惡盍慎所
以觀之乎修孝弟崇廉節急君上民之和也神之福也乃有
不吉不迪圯族斃倫反諸吾心明若觀火尚中慙內縮亟反
若為歆神介址莫此大頌如曰明德弗務惟神用詔以僥福
利是無馨香而有讒匿匪長民者所以崇祀之意其明是□
言而念諸

賜進士出身文林郎知南陵縣事嘉興沈堯中撰

賜進士出身□□□□□□□□□□□□□□□□

萬曆二十一年十月吉日重修按此行在碑額右側

重修學坊碑記在太平縣文廟

拓本連額高八尺五寸廣三尺二寸二十行篆書額左右雲鶴形

重修學政碑額

賜進士第南京通政使司通政使郡人陵陽徐元氣撰文

賜進士第雲南雲南府知府邑人培元胡篤卿篆額

賜進士第行人司行人邑人軒昂崔廷健書丹

重脩太平縣學舍學坊祭器碑記

朝廷重造士國子州處於辟靡而俊民則以鄉校肆之其造士繇

鄉而進之於國始基蕪葺繫鄉校是賴而大司成特以秩重

見異非貳任也往茲南雍稍圯大司成請於

朝出萬數金葺之不問出入豈乘高者易呼乎昔孫明復立經術

治事齋以課士而河汾弟子遂為代瑤則今之博士迺母亦

嘆：之食是俎令鄉國異任耶太邑踞黃山之勝其士人美

秀而文邑才彈丸不必有聲士自束修不必有聲第其學

舍歲久圯壞墻或為竇求牧者闖而無禁春秋釋奠豚肩

黍與之迺簋豆不飾半布之几筵尚謂吾欲觀之乎青原曹

君以孝廉來署庠事顧而慨然即謀諸寮友吳君毛君思以

新之眎學儲虞不支欵陳乞虞不應居三年鳩其儲帑附以

祿入益以弟子員之募義者盡撤而新焉高儒學門立兩坊

堂齊舍類有芹採而薦之也籩豆楚矣豈不稱一時之盛

哉既落成適曾君以當道薦除景寧令其諸弟子不敢忘所

自也請記於余自束髮時聞僊源學宮湫隘且頽其口之

先大夫都峰周君黃山焦君華山崔君請於縣而自捐贊募

粟改造今址于時令魏裨明以造士為先務三大夫鳩徒講

學經術節義藉甚一世實相與成之三五十年來飄瓦折椽

漸成此頓豈邑人士無先正之雅志乎爾士益振奮東脩吾
知其必胥興也而幾頓至此責或不盡在下耶自壬辰以至
於今邑數易令、從政新而胥吏因奸之師儒之廩餼率仰
給踰時不可必况於損數百金刻桶礮榘未有不從而梗之
者則今日之事難言之矣難言之矣曾君甫至即訪其邑之
先達慨然仰止焉日進其士與民與之講吾夫子身心性命
之學是豈嘆、之德可名者而新其堂廡以休來學寧足以
功曾君然君不自功也第學舍即圯墜或不當曾君、遷秩
有日抑可俟後人即不俟後人而頓其學帑洗如誰能不頓
有司迺君不其然吾是以知曾君不肯覲然尸素一官而到
處及物即為功業蓋得理學之精而實體之也曾君猶人哉
景寧僻在括蒼而獲君也經術吏治吾知亦必有興矣夫曾君

明道術以開承學而施及宸宇煥然一新其功忱足以世是
人士至學而睹坊字几筵也其敢忘曾君之功抑如河汾之
為代瑤也庶幾不負曾君云君諱惟謙字德卿號虛所江吉
泰和人也協贊者庠生方子文烈張子文炯

大明萬曆二十五年歲次丁酉六月吉旦

陶公碑記在南陵縣下東鄉

拓本連額高三尺三寸廣二尺十三行行字殘缺不可
計字徑一寸正書額四字平列字徑四寸雙鈎篆書

陶公碑記

陶公諱彥仲配周氏封馬鬣於合塘邊而其子璉口璿缺下項五

今豎碑于茲皆其族之祖塋也蓋公以仁厚戡祚缺下今隴陌廬

舍交衽毗連誦讀織杼之聲不輟於晝夜缺下輩出而姻聯里

開稱義門著姓也者必首陶公之慶缺下祿氏公十九世孫也

以天年蚤終而希位氏暨族姓之缺仁等崇舉先祀建碑祖塋

將使百世之下裔自公者咸缺□□之感群昭穆以懷二人

萃渙睦宗之仁由本株缺用意篤而為慮至深也不佞雅忝門

楣嘗慨世俗之僭缺累其先而荒炒寥寥又使賢愚莫辨子孫

敬拜其祖墓缺茲瑩碑質簡得中足以詔方來而妥體免故喜

而為之缺

賜進士第奉訓大夫南京兵部職方清吏司員外郎前奉

勅督理儲餉戶工二部主事門下婿許夢熊頓首拜撰

萬曆丁酉歲仲冬中浣之吉
玄孫陶希缺

管先生去思碑記 在南陵縣文廟戟門前東院

拓本連額高五尺五寸廣二尺九寸記文十七行行五十字字
徑八分題名十七列均正書額七字平列字徑三寸雙鉤篆書

管先生去思碑記

儒學教諭管振野先生去思碑記

賜進士第奉訓大夫南京兵部職方清吏司員外郎邑人胤峰許

夢熊撰文

賜進士第戶部雲南清吏司主事邑人心寰施善教書丹

賜進士第觀工部政邑人五陵管橘

篆額

賜進士第觀都察院政邑人一寰汪翼夔

管振野先生以遷秩行邑縉紳諸生旣合贈以言復釀金鑿

石志感於不朽此

國朝建置學官二百年来所希觀也予請得而揚厲之夫官師之

位非有勢焰威力能驅使劫奪人也先生何獨令人感慕若

此盖先生學見其大不以三綱五典之軀博銖兩尺寸之細

而匹夫不獲時予之孳老安少懷各得分頤時發其志于春

風時雨敬業樂群之間是故比年考校及先生之門者三而
先生詔之曰來爾無趨趨吾苦雖微束脩恐弗爾誨于是諸
生躍然進始知芹泮之爲榮而閭閻寒畯亦知勉課其子弟
就學故事諸生廩餼多停缺以需先生于應補者刻日爲請
率假擔石使祭其先且令有親者亟沾祿養用意何渥至掌
籍之盈耗無問矣歲序諸生例有餽遺其不能者愧而退師
友上下之情遂閉隔而不暢先生憮然念之諭使皆來不令
家僮從旁咄嘖復詢所疾苦昏喪而周恤之誑誤而全庇之
無幾微梗芥吟域行乎意色其泛愛無方以一身爲衆庶身
以永劫事爲一時事又如此夫先生誠愛諸生故諸生亦莫不
愛先生諸生誠愛先生故其父兄亦莫不以子弟之故而愛
先生此閩邑之議論精神融結爲一必勤堅砥令先生名敝

天壤垂風教以淑方來而後可先生寅友張君紹渠雅與先

生同志行之日又同至于士心之感孚無間矣倚嗟盛哉先

生諱大武蘇州之崑山人

皆

皇明萬曆戊戌歲中春月穀旦

知南陵縣事林樞縣丞儒學教諭余應元主

簿張禔典史趙經訓導畢守中余文榮

以上第一列

鄉官王尚志陳文明俞洵戴蓉孫惟允陳文

豐張茂蕙陳一言王用臣

以上第二列

儒官陳雅言貢士任廷諭管樂管榷舉人戴

新

余一德

武舉管

櫟

管

和

以上第三列

監生管一本

張應宿

施所蘊

陳素蘊

許久申

劉懋

元

陳萬言

管桂

劉啓春

管一鵬

管一鳴

陳周

言

曹宗旦

王賓臣

戴廷仕

戴士全

以上第四列

生負

汪夢陽

何

儉

曹宗思

萬仕觀

葉向春

孫

環

劉孟元

孫世芳

秦邦備

余□棚

葉應坤

汪應

朝

劉選

王之造

陳蓋言

強世熙

俞時弼

丁時

裕

以上第五列

張宗良

何守緒

汪大期

劉維讚

張士模

余

柱

秦邦傑 孫元華 劉維詒 汪明倫 鄧文選 張大川

管一鯨 劉初元 何文顯 許夢旂 施五教 張士奇

以上第六列

張思中 張會 許以忠 劉芳稱 管一鰲 何繼讓

施善政 葉逢春 周文御 姚元亮 張質孚 許朝臣

劉維誥 王問臣 崔文臺 王之諫 孫廷俊 汪愈

以上第七列

王之元 何守常 楊茂元 劉邦元 秦希睿 汪冀顯

范懋賢 孫一敬 楊兆龍 鮑景仁 徐士珍 王之瓚

劉維幹 劉維瑚 曹宗軻 孫汝霖 周文始 丁一煥

以上第八列

管一鯨 葉元默 陳翰言 葉宜春 徐貞遇 曹宗孝

汪士儀 阮熙舜 管一貞 何文明 劉維翰 楊文節

王調元 管一驥 吳應太 何九韶 周文華 梁欽

以上第九列

胡師宏 管一驤 周應宿 丁一賓 張大業 劉有本

孫一蘭 周一鳳 趙善養 宋德立 曹宗易 劉希良

何應鯉 汪士彥 管一思 徐元禎 劉希光 王世臣

以上第十列

劉維賞 姚元策 王之極 劉國太 何天衢 王之典

汪士奇 周應慶 張維鳳 楊元龍 卞世顯 戴士庠

朱應蛟 張士賓 丁一陽 管嘉臣 楊茂清 趙之璧

以上第十一列

胡安國 葉日章 張應奎 王洪猷 陳素履 徐叔鯨

俞大儒 戴士聰 俞一廣 朱文謨 何文章 徐光綬

葉世喬 俞堯都 徐叔思 李華春 姚元幹 王夢鰲

以上第十二列

劉永麟 戴士念 汪應斗 孫振先 王之望 劉一觀

萬士志 文廷啓 胡師寧 孫正茂 朱允中 程希周

孫正美 何繼□ 劉永鳴 汪夢□ 王應舉 文應召

以上第十三列

李時太 李正春 丘邦岑 徐士茂 葉新 程希伊

何繼蕙 余邦厚 阮文奇

以上第十四列

徽商吳騰江 金□□昭 陳鳳鳴 胡正寧 江

銑 楊士良

以上第十五列

太醫院吏目施文舉 陰陽官嚴汝文 醫官何一麟 府吏

朱文熾 耆民劉 口 管 橐 劉維載 姚 漢 王之

寵 朱 燁 汪鍾瑞 程茂大 楊天命 查 鳳 程文

林 程文道 吳繼璉

以上第十六列

朱文仁 猷 伯李基 陶光輔 童守中 姚 湛 方應諒

朱廷化 王夢士 郭永祥 仝立

以上第十七列

門生龔 口 夔書 學吏葉世 口

張紹渠先生去思碑記 在南陵縣文廟東

拓本連額高五尺三寸廣二尺三寸五分文十九行行六十二

潘先生志願記

邑庠張先生去思碑記

賜進士第□工部政邑人五陵管橋撰文

賜進士第奉訓大夫南京兵部職方清吏司員外郎邑人胤峰許

夢熊書丹

賜進士第戶部雲南清吏司主事邑人心裏施善教

賜進士第觀都察院政邑人一寰汪美夔

篆額

余讀史至漢興數詔茂材文學國家有大疑難下太常會百

官各具師說以對諸生誦說有法必驚問曰何師則謹對曰

師事其故其師氏必躬道德仁義絃歌俎豆之教以養弟子

而弟子亦服習師訓觀摩漸染釀成可封之俗倚與休哉逮

輒近世師儒從事□□忽大□不過以課文藝督候謁脩禮

交如是者相標士亦沿習以爲固然情誼潤畧其於膠序師
長之聚散去來秦越視之矣

紹渠張先生以貢選第一來訓吾陵先生忠信朴茂人也質
任自然不峻城府生長滇區僻西南萬里絕徼無中州靡麗

綺穀之華以□侈□心而彫□□是以天全而性得養邃

而智周余始望之恂恂然若不勝衣吶吶然若不出諸口徐

而叩之則淹貫博綜淵深□□涉北海不可爲量也間過

余舍□酒之懽拒掌談時事鑿鑿中竅不啻燭照而數計之

又朗鑑善知人物色士子多在未遇合先即余至不□可謬

□先生國士之知而余家子弟輩無論矣諸士子中貧不能

食歿不能葬男女不能婚嫁者亟請學田之羨□有司甚則

出薪俸賙之□有因抑鄉曲屈首豪家不得□必徐徐爲之

求直至以非義相干即切責謝絕無少假借客有操金謁先生者先生曰儒臣所重節義耳柰何以若金故乞有司顏色玷清白風□□□□退所遇有司且嚴事先生如值鉅典大禮靡不就正先生一言為重歷陵六年所先後同寅不下四五人先生友愛倍於同胞而與余宗管振野先生□□□意氣相□時時詩酒為懽也適振野遷授金華而先生亦有桃源之轉士大夫俊談之先生教士崇尚德行而一以經術為務故一時明經之士膺僑選掇巍科者蒸蒸鵲起異日入對

大廷稱旨朝士驚問曰何師必首舉先生以對矣余固知道德仁

義絃歌俎豆之教有以深入士子之心而士子於先生行也

又相得以□之□□□我依依□□一朝違慈父母不忍別

且屬不肖以筆札之後用紀其盛余與先生有金石交敬次

第巔末而勒其不朽者於石先生諱鵠字志鄉雲南之江川

人

音

皇明萬曆戊戌歲仲春中澣之吉

知南陵縣事林樞縣丞儒學教諭余應元主

簿張禛典史趙經訓導畢守中余文榮

以上第一列

鄉官張維載王尚志陳一言陳文豐戴蓉孫惟

允俞陳文明張茂憲王用臣

以上第二列

儒官陳雅言貢士任廷諭管樂管稷舉人戴

劉□□何□顯許夢□施五□張士奇

以上第六列

張□□管一□施善政許朝臣葉逢春張□孚

周文□姚元亮張□奎劉維□王□臣□大期

□□□孫廷俊汪愈□文□何守□

以上第七列

楊兆龍秦希濤張維瑚汪異顯范懋賢鮑景仁

徐士珍王之瓚劉維幹曹宗鞠張思中孫汝霖

劉維誥□一煥何繼□方叔和許以忠

以上第八列

曹宗孝汪士□阮熙舜管一貞何文明周文始

劉維翰楊文節劉邦元楊□元何□□王調元

管一驥

吳應太

何九韶

□

□

□

□

□

□

以上第九列

何應鯉

劉有本

周一鳳

趙善養

張維鳳

汪士彥

曹宗□

宋德立

劉希良

葉宜春

陳翰言

葉□默

汪世臣

劉希光

管一思

孫一敬

孫一蘭

以上第十列

丁一賓

文廷啓

何天□

王之典

汪士奇

周應慶

張大業

戴士聰

周應宿

□夢陽

張宗良

朱應蛟

張士賓

丁一暘

管一驥

徐叔鯨

劉國本

以上第十一列

□一賡

徐光□

管一臣

葉世喬

俞□都

徐叔思

李□春

姚□策

王之桂

楊元龍

王夢鰲

俞大儒

姚元幹 陳素履 葉日章 趙之□ 王洪猷

以上第十二列

劉永麟 □ 夢鶴 劉一觀 孫正茂 萬士志 程希周

孫正美 文應□ 何文章 楊茂清 劉永□ 王應舉

何繼□ 朱允中 胡師寧 王之望 徐貞遇

以上第十三列

李□太 □□斗 戴士庠 魯□顯 徐士俊 丘邦岑

李正春 余邦鳳 葉新 程希仕 戴士念 何繼蕙

阮□奇 龔希夔 姚元□ □□□ □□□ □□□

以上第十四列

太醫院吏目施文舉 陰陽官□□文 耆民劉□□ 方應

劉維載 姚□□ 王□□ 陶光輔 姚 港 朱廷

化 □ □ 騰 江 □ □ □ □ 昭 沈鳳鳴 胡正寧 □

銳 □ 士 □ 學吏葉世和

以上第十五列

醫學何一麟 □ 士章 泐下

香由寺重修山門碑記 在南陵縣本寺

拓本連額高五尺三寸六分廣二尺八寸二分二十七行五十三字字徑九分正書額六字平列字徑二分三分篆書

東隣山門碑記

春穀薦福名山香由寺重修山門碑記

香由寺在薦福山中蓋春穀第一勝也歲久而圯不計年數

矣如來 □ 靈授我清虛上人崛起新之時不既堂宇槐廡之

後而先山門計山門之功成蓋歲丙戌冬杪也邑侯郝元洲

公顏其額曰薦福名山而未有記之者上人之勤不幾虛乎

此猶其細也而薦福之勝不幾泯而春穀之盛不幾湮乎歲
已亥余領使南還上人過余徵詞為記余稔知上人之勤也
春穀之勝首薦福而薦福之勝甲春穀也迺走不律記曰猗
歟都哉薦福之勝甲於春穀而香由寺踞焉此刹與此山並
焜千禩矣而何旅替者之相貸乎前也計此刹肇自晉隆安
間盛於唐咸通再盛於宋政和間迨我明永樂朝師惠□
振法力勅建梵宇洎玉杵紫衣之錫今已矣望如來而瞻
禮者孰無銅駝荆棘之悲黍離稷苗之嘆時無檀越者為之
討舊物整舊觀理昔日之勝而斯門之建乃聞於上人也乎
且按山門舊制始自唐貞觀九年勅建大道之傍與邑治埒
蓋邑左臂也今香由巷蓋其遺址云嗟嗟門之寔久廢而巷
之名空存嗟焉頽之能無潛焉之涕哉時不克探先朝之遺

呻恢復之嘆踰故武寸尺地而粥粥焉規一隅以自營上人
伎倆所饒爲者止此耳□上人則誠勤已將所謂薦福之勝
與其春穀之盛無乃令人短氣乎余曰否否今昔之際小大
之間於此處稍歧二相乃衆生溺於情量之見非如來不二
之觀也蓋衆生之見大於我者即謂之大是故言山大則信
□大則信言鳥大於山魚大於海即不信何也以非情量之
所及故也於我者即謂之小是故言螻蟻則信螻蟻則信言
蟻有國國□□臣少長是非爭讓之事螻蟻睫上有無量蟲
虫有無量郡邑都鄙即不信何也以非情量所及故也計一
人之身頭足相距五□□百六十骨節之中三萬六千種
尸蟲族焉凡有目者即有明是彼未嘗無晝夜日月也凡有
足者即有地是彼未嘗無山嶽河□□有嗜欲者即有生聚

是彼未嘗無父子夫婦養生送死之具也嚙而爲疥彼知趨
利膚中之蟣出之甲上奔走如驚彼知畏死吾安□茫茫堪
輿非一巨人之身和婆婆娑世界非其一骨節之虛空處邪人
物鳥獸賢聖仙佛非其三萬六千中之一種族邪於此參之
極口量之廣狹不足以定世間之小大明矣是故於一切物
無巨細見於古今世無延促見於衆生相無彼我見殤可壽
巨可細短可長□可彼智可愚知此解者以睇於斯門之制
今昔之際大小之間不復作二觀矣上人深於道者余戲下
一轉語曰如來座下坳堂邃室種種密奧亟需料理上人是
舉無乃於門外落脚否上人應聲曰我安知佛公學聖人者
也請言聖人之道夫聖人之道非獵也外天下矣而後能外
物外物矣而後能外生外生矣而後能朝徹朝徹矣而後能

見獨見獨矣而後能無古今一生死咄咄妙義其無儼進龔
龔龔吾佛乘猶然矣無樹也非臺也洵曹溪當下語要以樸透
於久熟悟證於篩來當其未熟未篩時作磨生理無亦作苦
樹鏡臺觀也者故夫凡夫即聖人煩惱即極樂安得過泥曹
溪之頃而屏去一切漸修乎則門而堂而室之說也噫上人
深於道者吾永勤其言為衲子家標一到岸泐門矣斤斤一
門之達足以誌其勤而雅增薦福□勝而濯彰春穀之盛乎
哉是為記

萬曆己亥季春之吉

賜進士出身奉直大夫戶部廣西清吏司員外郎奉

勅運餉朝鮮前雲南清吏司主事監督西庾邑人省愚施善教樸

僧會司僧□明大立石

院道批詳條款碑在南陵縣署

拓本連額高五尺七寸六分廣三尺一寸五分三分三十一行行五十四字字徑七分額六字平列字徑四寸六分雙鉤均正書

院道批詳條款

為民瘼事勤得天下有治人無治法夫錢糧徵解有定編也而明

尅暗科里甲鋪行有明禁也而陽華陰用備荒募稻徒資衙棍之

冒領為糧設官反剝下民之膏血是宣法之不善哉緣上之議法

者若此而下之奉法者若彼歎斯民受惠胡可得也今據各廳會

議七款前來所當亟為申飭改正合無呈乞裁奪□□縣勒碑遵

守至于痛下民之疾苦懲己往之夙弊任勞任怨力剔力釐上仰

憲臺之德惠下出赤子于泥塗俾實法行而膏澤不壅者又端于

良有司有厚望焉即將各項事件勒碑永永遵守

一禁尅剝看得條編之法行錢糧多令官徵官解既因而不

里長坊長者正欲登風弊以厚民生也然有不可盡廢之後
如糧長解戶等差素稱繁苦在良有司方存恤之不暇乃南
陵于徵解之際縣官扣剋之書吏需索之至于日用米薪仍
用里甲辦送種種夙弊誠非治世所宜有合無行令該縣已
後除條編錢糧照舊投櫃徵收其應給糧長解戶起運京倉
蘇豆等項錢糧俱准里收里運先行傾錠寄庫至起解之時
當堂兌發縣官毋得扣剋分毫吏書不得需索常例此外又
有空役免解銀兩尤屬無名橫征更宜痛革若夫有司口體
之奉所需幾何干明禁而受里甲之餽送恐少知自好
者不為也

一革積書 看得錢糧有起存解給有緩急磨美固貴精確給
散尤當及時然要在縣官親自稽核分別項款投櫃徵收

立限查比則錢糧自完獎賞自華若衙役多一人則多一蠹
安得于該房吏書之外添設糧書以恣隱捺領狀以遂那移
致起運正供常多掛欠里掛未役先責充那此何等法也合
無行令該縣將糧書潘世武等參名併兵房積書嚴行革役
查照宣城事例每年止責成里排分限比較不必細開花戶
以啓隱捺之弊其各役工食亦必役後按季給領無口預先
標領那移庶源清而流自澄法簡而民永賴矣

一省冗官

看得南陵邑大糧多主簿之設誠不容已也安可

議省惟是設一官自有一官之俸薪乃徃徃于徵糧解糧之

際官吏門皂恣其需索糧里已不勝其誅求矣而近者縣官

又明給硃票令其在倉勒取役何憚而不為哉是法之不行

自上始也合無行令痛革以後敢有需索常例勒取供費而

縣官不行禁戢者事發管糧員役坐贓究革掌印官併從劣處

一禁用坊長 看得禁用坊長前道申飭之詳矣其慮借辦之難杜也公館衙門之行令尽置乎什物又慮損壞之不繼也置造修理俱經多議手條銀至于

上司使客中火酒席等類猶有額編公費可以動支乃詎縣又冒不韙之名而復擾坊市何也合再申飭出示曉諭敢有陽革陰用者則

憲禁俱存誰其貸之

一比例祛弊 看得起運錢糧解損悉經議入編內量踞程之

遠近酌所費之輕重原銀自足支給此額規也今乃一槩扣

尅尽令解戶賠補柰何南民之不累且困也合無飭令以後

悉照宣涇事例遵行敢有再踵夙弊扣剋勒補定以不戢論
庶小民省一分受一分之惠矣

一社倉稻谷看得立社倉以廣積儲募義稻以備賑濟法誠
善也乃南陵自萬曆九年募稻玖千餘石至十五年以出陳
易新之虛名為吏書棍徒之冒領歷年顆粒無收空倉報累
此宣立法之初意哉合無俯從聽議行縣暫將社倉停止其
見貯稻倉變價入官原借未還人戶仍要從實挨查故絕者
免償見在者追究完日造冊查考作正支銷庶有司不致以
良法病民而奸胥不得藉官司貽害矣

一蘇舖行看得有司行政必使四方各安其業而後地方安

安彼舖戶資本幾何為漁獵之計恐需索之謀貨盈取而價

止半給如前令者殊為可鄙合行刊大書告示諭令各行知

悉以後不論物件大小悉照

明禁必以見價平買並不許再用小票反取其各行許各置官

買簿壹本懸于各舖門首遇有取用徑許登入簿內如遇

本院本道按臨隨便取簿查考庶官可避嫌民無重累矣

皇明萬曆二十七年歲次己亥秋九月吉旦

南陵縣知縣朱朝望 縣丞周邦棟 主簿應子懷 典

史趙經 全立石遵行

重脩太學會館記 在南陵縣玉帶橋西

拓本連額高六尺六寸廣三尺二寸二分十九行四寸雙鉤篆書

重脩太學會館記

重脩太學會館記

文林郎知南陵縣事武昌朱朝望撰并

會館者何樂聚業也太學會館者何蓋諸君自為地而林公

為創之者也夫此去成均僅十舍是舉也諸□□豪舉則林

公其為冗役大不其然古之學者教必有正業退必有居學

藏焉脩焉息焉游焉以慎習也夫□□常之與有語楚則楚

語齊則齊越之無鑄秦之無廬習則使然諸君為習計茲且

為莊嶽且為居肆矣余□□事三年來新孔子廟庭堂廡祠

舍既已改觀為博士慮也禮也余既為博士慮能得不為太

學慮諸太學□□序無所屬去成均又持三日糧搯縵博依

於何有之鄉謂退習何習之踈用之不啻踈矣欲化民成俗

毋□□日適越而昔至也固以知林公非興冗役也役興之

後汪君舉進士第為諸君嚆矢非吉祥善事之明驗歟□之

館就紀語云人情者難與共始而易於圖終諸君其毋反是

唯是不穀皇焉不敢釋此而朝食業已庀材□工一切飾舊
而新之顏者振闕者備黠者丹堊陵夷者繚以周垣起於已
亥季秋之九月成於孟冬十月其□出於諸君中之好義者
故易□而速就余不穀而後喜可知也諸君於是于喁然且
請不穀為記不穀曰不□夫記者紀也紀厥本末則林公創
始而不穀成之終此十年慶興之踪是何足論亦惟是維諸
君以不朽太□之教曰三年視敬業樂群七年視論學取友
相觀而善謂之摩此教之所由興也請與諸君約則有其舉
之□敢廢也是在縣官者不穀圖之會有期孰有業功有成
則在諸君不穀願諸君圖之其隙地屋十一間一十□丈年
租若干置長會儲之以脩敝壞夫天下無敝不可脩者樂群
則脩敝矣會友則輔仁矣興會館以興士習是諸君不負初

心以不負林公不負林公以不負不穀今日不負不穀異日必不負

聖明譬如鑾和在車執策而臨大道或推或馳焉往不宜乎固知

諸君必非徒為是豪舉者耳是為記是役也董其事者陳生

素蘊張生應宿管生一本許生久申而捐貲伐石者則戴生

士全也例得并書

萬曆壬寅歲仲春月穀旦

太學生王用臣 管 桂 汪翼夔 劉啓春 汪翼龍

以上第一列

朱應蛟 陳周言 汪守章 陳三言 許久明 王賓

臣

以上第二列 朱應蛟之朱字却用十 行穀旦之朱字却用十

管一堂 許久申 潘應先 劉懋元 陳素蘊 孫一

廉

以上第三列

姚元發 戴建仕 張應宿 管一本 戴士全 任大

益

以上第四列

朱春芳 丁一棟 潘世道 王之 孫一德 曹宗

旦

以上第五列

蔣士芹 孫元鵠 施所蘊 何應鯉 何繼讓 王希

□

以上第六列

許名成 張 樂 陳素履 沈士 汪士任 強希

文

以上第七列

周應慶 鄧以侯 劉希良 丁一蛟 陳孔言 陳素

位 徐希旦

以上第八列

王之讚 汪大鳴 劉一恭 劉一禎 徐希淳 趙善

養 劉有恒

以上第九列

姚元美 童楚元

以上第十列

全立

南陵縣新建譙樓記 在南陵縣署

一拓字連額八分正書額八字平列字徑四寸二分雙鈎篆書

南陵縣新建譙樓記

南陵縣新建譙樓記

賜進士奉直大夫戶部員外郎邑人 省愚 施善教 蒙額

賜進士承德郎南京戶部主事邑人 一蒙 汪冀夔 書丹

文 林 郎 知南陵事武昌 震區 朱朝望 譔文

始余到官視事會邑譙先已廢弛弗存司漏者厯寄宿公堂

歲時令邏使分更擊刀斗惟堂上鼓聲是視余未嘗不三致

意以為儼然專城歌奈何使麗譙缺乏乎私心嘗欲復為一

新創之則又恐物力□堪數中止伍徊者久之余以瓜期將

至廼問諸生三老以及薦紳先生之徒皆進而請曰縣以季

穀數登困鹿充盈漸有富庶之風余第籍其力以脩千載之
廢何憚而久不為此而况縣舍業已創望華樓甚壯麗非此
則形勢誠不便余咲謂父老奈何以堪輿之說相給也已而
思父老之說豈盡無見

高皇帝初興即命四方諸郡邑皆得創麗譙其意固已深遠願承
平日父皆弗為□余考麗譙之制起自古者軍中從門上為
高樓以望敵如陳涉之譙門及兵法所稱望樓教樓皆是也
故無事則以司鐘鼓一旦有□則籍為望敵之資此政我

高皇帝寓兵法于其中而人自不察耳余承乏長吏既不遑與諸
父老子弟講明大誼而又使其缺焉不舉斯誠余之辜也且
余考天官書天桴四星在左旂南端南北列天之桴鼓也所

主專于漏刻其星不明則漏刻失時故分更傳牌一切皆視

節令以為□繇此觀之麗譙政關天象曷可聽其廢乎于是
與丞若簿尉及廣文先生遂決策乃捐歲俸鳩工經始于癸
卯春王正月費不給則以贖錢佐之蓋不暇擊橐鼓而民竭
子未迺以三閱月告成崇凡若干丈廣凡若干夫左右列鐘
鼓如浴屹然穀城一大觀也余又因是而知民風最稱醇厚
然非獸自今日始也初

高皇帝親提兵畧寧國踞于時旌德南陵首相率請降故

高皇帝視之若馮翊蠲恤之詔至再下余才淺短雖無它善狀然

此衷惟恐斯民弗軌于物誠愛之不啻嬰兒而其民亦幸惟

余是率其君子尚禮讓而小人皆斤斤以三尺自守庶幾相

與以成治世之休此非余敢誇詡為功碩四五載之間焦心

勞恩至皇皇不敢寧處亦惟曉鐘夜鼓實式臨之嗚呼今日

之事我為政豈其勞民而故託為遊觀之樂余每一登臨上

顧天命下求民莫頌益重朽索之懼然所為顧天命求民莫

善體

高皇帝之心而曆之祗席則政余倦無已之微意也敢并識之俾

後來者知所始云

皇明萬曆癸卯歲季夏月穀旦

縣丞周邦棟

主簿張宗京

典史何應聘

督

造老人馬輝

省祭萬一鷺

工吏何友仕

陳

希聖

沈宗



立石

重修清溪道院碑記

在南陵縣許村埠東

拓本連額高四尺五寸廣二尺八寸九分二十四行雙鈎篆書

董立濤燦燾諭頤記

重脩清溪庵碑記

賜進士及第承務郎翰林院脩撰金陵蘭岫朱之蕃撰文

賜進士第文林郎知□恭縣事邑人五陵管橋篆額

賜進士第南京戶部清吏司主事邑人一寰汪冀夔書丹

先是宋遺清溪庵于陵之東北新美鄉距邑可四十里許蓋

風氣盤紆塵棼淨潔別是一洞天也迄

國朝永樂初重加整頓而鄉人靡不樂頂禮而頤皈依焉亡何謝

德扇燭頓成煨燼□莫誰何會鄉大夫胤峯許司馬慨然發

念而恢復之如初因相沿以至今日矣歲深漸圯主持者以

□□而墮□踞殿宇聽其傾頹污萊歸於豪右

神幾失所憑依矣鄰之庠□□生□□不忍目擊乃具詞

邑侯朱公

侯自下車來時和歲豐□□事治凡興廢舉□□神□□時迺
廉其狀為之清復其土田驅除□蛀變蓋經幾籌度經幾選
擇而得道司之醇謹者汪景湛俞應□命以似續而無失墜
百年之蕪陋□□一旦三靈之托基垂諸萬禩一時群情鼓
舞□不于于然□□爭樂捐杖頭餘而□為牛尾供也譚
諱乎

侯之德其允矣超黃白乎哉行振振乎其相繩而寧直此碑為
之不朽哉是為記

皆

皇明萬曆癸卯歲季秋月中浣之吉

南陵縣縣丞□邦棟 主簿張宗京 典史何應聘

儒學教諭陳敏中 訓導余文榮 丁三錫 陳 溢

縣

主

丁

昉

山

西

人

氏

□

□

□

主

趙

□

□

主簿陳文喜

道會司道會范景鍊

蔡思聖

封砌山門

陶大行

道士吳應諒

老人

汪繼文

